



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 1-2-50-385-3/21
Banja Luka, 2. 7. 2021. godine

Na osnovu Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), postupajući po zahtjevu iz Centra za istraživačko novinarstvo iz Sarajeva, Direkcija za civilno vazduhoplovstvo Bosne i Hercegovine donosi:

RJEŠENJE
o pristupu informacijama

kojim se u cjelosti **ODOBRAVA** pristup informacijama pod kontrolom BHDCA

Obrazloženje

Dana 9. 6. 2021. godine Direkcija za civilno vazduhoplovstvo BiH (u daljem tekstu BHDCA), zaprimila je, putem e-maila, u skladu sa Zakonom o slobodi pristupa informacijama u BiH, zahtjev

iz Centra za istraživačko novinarstvo iz Sarajeva, u kom zahtijeva da joj se dostave informacije i dokumenti koji su pod kontrolom BHDCA, a tiču se: “Službenih putovanja u inostranstvo na koja su išli predstavnici Vaše institucije u 2019, 2020. i prvih pet mjeseci 2021. godine.

Za svaki službeni put u inostranstvo, potrebni su nam sljedeći podaci:

- Ime, prezime i funkcija osobe koja je upućena na službeno putovanje;
- Nalog za službeno putovanje;
- Odluka o upućivanju na službeno putovanje;
- Odobrenje za službeno putovanje;
- Mjesto i država službenog putovanja;
- Svrha putovanja;
- Period trajanja službenog putovanja;
- Koliki su bili troškovi putovanja, od čega su se sastojali i ko je snosio te troškove;
- Kolika je bila visina dnevnice za službeno putovanje“.

Kako se radi o obimnoj dokumentaciji i velikom broju informacija, u skladu sa članom 14. stav (2) tačka b) Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13) BHDCA je dopisom br. 1-2-50-385-2/21 od 10. 6. 2021. godine obavijestila podnosioca zahtjeva da je priprema traženih informacija složena i dugotrajna, kao i da će iste dostaviti u skladu sa navedenom odredbom Zakona, odnosno u vrijeme koje je prihvatljivo i za podnosioca zahtjeva i za nadležni javni organ. Kako Zakon previđa da se rješenja o pristupu informacijama upućuju podnosiocu zahtjeva najkasnije u roku od 15 dana od dana prijema zahtjeva, te bi na osnovu toga rok za dostavljanje traženih informacija bio najkasnije 24. 6. 2021. godine, navedenim dopisom Direkcija je obavijestila podnosioca zahtjeva da je potreban dodatni rok od 15 dana kako bi pripremili i dostavili sve tražene informacije. Takođe, podnosilac zahtjeva obaviješten je da, na osnovu „Odluke o troškovima umnožavanja zahtijevanih informacija u skladu sa Zakonom o slobodi pristupa informacijama u BiH“ („Službeni glasnik BiH“, broj: 12/01 od 26. 5. 2001. godine) Savjeta ministara BiH, uplati 10 (deset) KM za jedan CD na kom će biti dostavljena dokumentacija u elektronskoj formi.

U skladu sa navedenim, postupajući po zahtjevu, a na osnovu člana 11. stav (4) i člana 14. stav (2) tačka c), Zakona o slobodi pristupa informacijama u BiH, BHDCA je u cjelosti odobrila pristup informacijama kako je navedeno u dispozitivu ovog rješenja i podnosiocu zahtjeva dostavlja sljedeće informacije (na CD-u):

- Odluke o upućivanju na službeni put u inostranstvo koje su i odobrenje za službeno putovanje u inostranstvo (skenirane, u elektronskoj formi) iz kojih su vidljive sljedeće informacije: ime, prezime i funkcija zaposlenog koji je išao na službeni put u inostranstvo, mjesto, država, svrha i period trajanja službenog putovanja, visina dnevnice za službeno putovanje i ko je snosio troškove službenog putovanja;
- Izvještaje o službenim putovanjima za 2019, 2020. i 2021. godinu kroz tabelarni prikaz troškova putovanja (od čega su se sastojali).

U skladu sa članom 16. Zakona o slobodi pristupa informacijama u BiH, podnosilac zahtjeva oslobođen je plaćanja taksi na ovo rješenje. U skladu sa istim članom Zakona i „Odlukom o troškovima umnožavanja zahtijevanih informacija u skladu sa Zakonom o slobodi pristupa informacijama u BiH“ Savjeta ministara BiH („Službeni glasnik BiH“, broj: 12/01 od 26. 5. 2001. godine), podnosilac zahtjeva uplatio je 10 (deset) KM za elektronsku dokumentaciju (CD) koja će biti dostavljena uz ovo rješenje.

Uputstvo o pravnom lijeku: Protiv ovog rješenja može se, u roku od 15 dana od dana prijema rješenja, podnijeti žalba Žalbenom savjetu pri Savjetu ministara BiH kao drugostepenom organu i prigovor Ombudsmenu za ljudska prava BiH.

Prilog:

- CD

Dostavljeno:

-

Gabriele Moreno Locatelli 11
71 000 Sarajevo

- a/a.

Generalni direktor

20 Čedomir Šušnjar

